

आस्तामथाभयेऽनाष्टुऽउत्तरतो यज्ञमुपचरिष्याम इति ॥३॥ ते हेन्द्रमूचुः । त्वं वै
 नो वीर्यवत्तमोऽसि त्वं दक्षिणत आस्तामथाभयेऽनाष्टुऽउत्तरतो यज्ञमुपचरिष्याम
 इति ॥४॥ स होवाच । किं मे ततः स्यादिति ब्राह्मणाहूऽस्या ते ब्रह्मसाम तऽइति
 तस्माद्ब्राह्मणाहूऽसिने प्रवृणीतऽइन्द्रो ब्रह्मा ब्राह्मणादितीन्द्रस्य क्लेषा स इन्द्रो
 दक्षिणत आस्तामथाभयेऽनाष्टुऽउत्तरतो यज्ञमुपाचरंस्तस्माद्य एव वीर्यवत्तमः स्या-
 त्स दक्षिणत आसीतामथाभयेऽनाष्टु उत्तरतो यज्ञमुपचरेयुर्यो वै ब्राह्मणानामनू-
 चान्तमः स एषां वीर्यवत्तमोऽथ यदिदं य एव कश्च ब्रह्मा भवति कुवित्तूष्णीमा-
 स्तऽइति तस्माद्य एव वीर्यवत्तमः स्यात्स दक्षिणत आसीतामथाभयेऽनाष्टुऽउत्तर-
 तो यज्ञमुपचरेयुस्तस्माद्ब्राह्मणा दक्षिणत आसतेऽथाभयेऽनाष्टुऽउत्तरतो यज्ञमुपच-
 रन्ति ॥५॥ स यत्राह । ब्रह्मस्तोष्यामः प्रशास्तरिति तद्ब्रह्मा जपत्येतं ते देव
 सवितर्यज्ञं प्राहुर्बृहस्पतये ब्रह्मणे । तेन यज्ञमव तेन यज्ञपतिं तेन मामव ।
 स्तुत सवितुः प्रसवऽइति सोऽसावेव बन्धुरेतेन न्वेव भूयिष्ठा-इवोपचरन्ति
 ॥६॥ अनेन त्वेवोपचरेत् । देव सवितरेतद्बृहस्पते प्रेति तत्सवितारं प्रसवायो-
 पधावति स हि देवानां प्रसविता बृहस्पते प्रेति बृहस्पतिर्वै देवानां ब्रह्मा
 तद्य एव देवानां ब्रह्मा तस्माऽएवैतत्प्राहु तस्मादाहु बृहस्पते प्रेति ॥७॥ अथ
 मैत्रावरुणो जपति । प्रसूतं देवेन सवित्रा जुष्टं मित्रावरुणाभ्यामिति तत्सवितारं
 प्रसवायोपधावति स हि देवानां प्रसविता जुष्टं मित्रावरुणाभ्यामिति मित्रावरु-
 णौ वै मैत्रावरुणस्य देवते तद्येऽएव मैत्रावरुणस्य देवते ताभ्यामेवैतत्प्राहु त-
 स्मादाहु जुष्टं मित्रावरुणाभ्यामिति ॥८॥ ब्राह्मणम् ॥ ८ [६. ६.] ॥

त्रयी वै विद्या । ऋचो यजूंषि सामानीयमेवऽर्चोऽस्याऽ क्यर्चति योऽर्चति
 स वागेवऽर्चो वाचा क्यर्चति योऽर्चति सोऽन्तरिक्षमेव यजूंषि द्यौः सामानि
 सैषा त्रयी विद्या सौम्येऽधरे प्रयुज्यते ॥१॥ इममेव लोकमृचा जयति । अन्तरिक्षं